

Nunaqavissut tikisitallu akornanni Namminersorlutik Oqartussani, Namminersorlutik Oqartussat suliffeqarfiutaanni kommuninilu sulisut qanoq agguatarsimanersut pillugu kisitsisinngorlugu (statistik) paasissutissamik Naalakkersuisut UPA2016-imi saqqummiusseqqullugit peqquneqarnissaannik Inatsisartut aalajangiiffigisassaatusiunnersuut. Nalunaajaaneq Kalaallit Nunaannut suliffissarsiorlutut killilersimaarnissaat pillugu Inatsisartut inatsisaat saqqummiussinermi aallaaviusssaaq.

(Inatsisartunut ilaasortaq Suka K. Frederiksen, Siumut)

Akissuteqaat

(Inuussutissarsiornermut, Suliffeqarnermut Niuernermullu Naalakkersuisoq)

Aappassaaneerineq

Naalakkersuisut qujassutigaa Inuussutissarsiornermut ataatsimiititaliap imm. 37-imi suliarinninnerat, kalaallit suliffeqarnermi aaqqissuussinerata ilarujussuanut tunngasuusumik, - tassalu sulisut nunaqavissut aamma sulisut tikisitat. Suliassaqarfik pingaaruteqartut Naalakkersuisut isigaat, soorluli aamma inimi maani oqallinnerup ersersikkaa, suliassaqarfimmut tamatumunnga tunngatillugu pissusiviusut assigiinngitsumik isiginiarneqartarput, taamaattumillu pingaaruteqarpoq pissutsinut tunngatillugu paasissutissat piviusut inissinneqarnissaat. Taamaattumik aamma Kalaallit Nunaanni naatsorsueqqissaartarfik suliamut akulerunneqarumaarpoq.

Immikkoortoq 37-imut tunngatillugu misissuinerit inernerit Nunanit allanit suliarortartut pillugit nassuiaasiami ilanngunneqarumaarput, piffissami matumani inaarsarneqartumi. Taamaaliornikkut qularnaassavarput nunanit allaniit nunatsinnut suliarortartunut tunngatillugu assiliaq qanoq isikkoqarnersoq.

Inuussutissarsiornermut ataatsimiititaliap tikkuarsimavaa immikkoortoq 82, Kalaallit Nunaanni sulisussarsiornermut sulisorisanillu tigumminiinnartarnermut suliaq aamma immikkoortoq 37 imminnut iluaqusersinnaasut, Naalakkersuisut isumagissavaat misissuinerit taakkua marluk Naalakkersuisoqarfinni ataqatigiissaakkamik suliarineqarnissaat.

Taamatut oqaaseqarlunga Naalakkersuisut inassutigissavaat Inuussutissarsiornermut ataatsimiititaliap isumaqatigiilluni inassuteqaataa Inatsisartut akuersissutigissagaat.